

UGOVOR O KUPOPRODAJI PROMOTIVNOG MATERIJALA

Ugovorne strane:

1. Agencija za rad i zapošljavanje Bosne i Hercegovine, ulica Đoke Mazalića broj 3. Sarajevo, jedinstveni identifikacioni broj Kupca– JIB 4200161160001 telefon (033) 560 340, faks 209 475, koju zastupa V.D. direktora mr. Vedad Hindija (u daljem tekstu: Kupac) i

2. “Murix“ d.o.o. Sarajevo, ul. Husein-kapetana Gradaševića, Tešanj, jedinstveni identifikacioni broj prodavca– JIB 4218625330009, poreski broj 21862533009, telefon, 061 153 23133, transakcijski račun prodavca 1990460004976391 otvoren kod Sparkasse Bank, kojeg zastupa direktor Muriz Huskić, (u daljem tekstu: Prodavac)

Član 1.

Predmet Ugovora je nabavka promotivnog materijala za potrebe prodavca po provedenom direktnom postupku nabavke broj:06-16-7-25/23 od 05.12.2023. godine. Prodavac prodaje, a Kupac kupuje prema odredbama ovog ugovora promotivni materijal, čije su karakteristike navedene u Ponudi Prodavca broj:06-16-7-25-2/23 od 08.12.2023. godine.

Član 2.

Ukupna vrijednost robe iz člana 1. ovog Ugovora iznosi **2.757,51 KM bez PDV-a** (slovima: dvijehiljadesedamstotinapedesetsedam i 51/100 KM), a sa **PDV-om 3.226,29 KM** slovima (trihiljadedvjestotinedvadesetšest i 29/100), a jedinične cijene su fiksne i neće se mijenjati tokom trajanja Ugovora.

Član 3.

Cijenu robe iz člana 2. Ovog ugovora s porezom na dodatnu vrijednost plaća Kupac putem banke uplatom na transakcijski račun Prodavca u roku od 15 dana od dana prijema fakture za isporučenu robu i priloženih otpremnica ovjerenih od strane odgovorne osobe Kupca, koja je preuzela robu.

Član 4.

Cjelokupnu robu Prodavac će isporučiti franco skladište Kupca, Đoke Mazalića br. 3., najkasnije u roku od 10 dana od dana potpisivanja ugovora.

Član 5.

Kvantitativni prijem promotivnog materijala obaviti će se prilikom isporuke u skladištu Kupca. Kontrolu kvantitativnog preuzimanja prisustvovat će predstavnik Kupca i Prodavca, o čemu će na kraju potpisati otpremnicu.

Član 6.

Prodavac se obavezuje:

- da isporuči robu cijena i količina navedenih u Ponudi Prodavca broj: 06-16-7-25-2/23 od 08.12.2023. godine

- da robu isporuči najkasnije u roku od 10 dana od dana potpisivanja ovog ugovora;
- da dopremu robe izvrši o svom trošku u skladište Kupca;
- da ispostavi račun i otpremnicu za robu skupa sa njenom isporukom.

Član 7.

Izmjene i dopune ovog Ugovora mogu se vršiti isključivo i samo uz pismenu saglasnost obje ugovorne strane.

Član 8.

Na sve odnose i institute koji nisu navedeni u Ugovoru, a pojave se prilikom realizacije, primjenjivat će se odgovarajuće odredbe Zakona o obligacionim odnosima.

Član 9.

Sve sporove koji mogu nastati u primjeni ovog Ugovora stranke će rješavati sporazumno, a ako u tome ne uspiju, spor će rješavati Sud Bosne i Hercegovine.

Član 10.

U znak prihvatanja prava i obaveza iz ovog Ugovora ugovorne strane ga svojeručno potpisuju, a Ugovor stupa na snagu danom potpisivanja ugovornih strana.

Član 11.

Ovaj Ugovor sklopljen je u četiri istovjetna primjerka od kojih dva zadržava svaka stranka potpisnica.

ZA PRODAVCA

Miroslav Kostić

Broj:.....

Datum:.....

MP



ZA KUPCA

[Signature]

Broj... 06-16-7-25-8/23

Datum... 18.12.2023

MP

